

Asasakka inuiaqatikka kalaallit

Ullumi inuiattut nalliuttorsior-nitsinni uummamit pisumik pilluaritsi. Tikilluaritsilu inu-iaasugut kalaallit pingaartorsiorluta maani kommunip erfalasulerfiata saani ullor-siorneq aallarnerlugu persuarsiorluta erfalasulernissatsinnut. Ullumilu nalliuttorsior-nerput immikkut ippoq, tassami namminersulernitsinnit ukioq ilivitsoq ajunngilluin-nartumik anigorparput. Tamatuminnгалu aamma immikkut pilluaqqumavassi.

Inuiaat kalaaliusugut qangaaniilli pingaartitaralugu ulloq manna kinguaarippassuarni nalliussisarsimavarput. Nalliuttorsiorneq soorunami pisarpoq nuannaarutissaam-mata inuiattut ingerlaqqinnissami nukissanik kiisalu peqqumaatissanik katersinermi ullut nunarsuatta ingerlaarnermini qaammaruttorfii. Taamaattuminuna qangaaniilli ullup tannerpaaffia qaammanerpaaffialu inuiaqatigiit kalaallit kinguaariippassuarni nalliussisarsimagaat.

Kalaallit kulturitsinni piorsarsimassutsitsinilu taamanersuarli ilisarnaatigilluagarput ikioqatigiinneq, kaammattoqatigiinneq, tapersersoqatigiinnerlu sutigut tamatigut ullortunersior-tarnerni tunngaviullutillu ator-neqarluartarsimasut. Ilami kikkut tamar-mik pissaqarluarunik pissakinnerusunut tunniussaqaarnissartik pissusissamisoortutut isigisarpaat.

Ullutsinni piorsarsimassutsikkut inooriaaserput soorunami ineriartorneq malillugu allanngoriartorsimavoq. Taamaakkaluartorli tunngaviusumik kulturitoqqatta piorsar-simassutsittalu suli uagutsinnut attattuarnissaa aatsaat taama pingaaruteqartigi-lerunarpoq. Tassami inuiaat kalaallit inuiaqatigiittut inerisimalluartutut pilluarfiu-sutullu inuulersimasutut oqarsinnaagaluarluta ilisimavarput sorpassuartigut inuiaqa-tigiit inuuniarnitsinni ajornartorsiuteqartugut. Ajornartorsiuterpasuit assigiinn-gitsorpassuarnik aallaaveqarlutulu pilersinneqarsimasut ineriartornerup nutaap nas-

satarisimasai annikillisarlugillu pitsaasumik tamanit anigorneqassappata siuliani taa-sattut inuiaqatigiisugut pissusitoqqavut kingumut atorluarlugit ajornartorsiutit taakku anigorniartariaqarpavut. Qaangiiniarnitsinni tassani oqaatsit, akisussaa-qataaneq, pisussaaffeqarneq, piumassuseqarnerlu tunngavigilluarlugit.

Ullutsinni atugartuussuseq nunarsuarmioqataanerlu pissutigalugit inuunitsinni sumi-luunniit nunarsuarmi aningaasarsiornikkut ajornartorsiornerit malunniuttarnerini inuiaqatigiinnguusugut eqqorneqarsinnaanitta malugisaqarsinnaanittalu annertune-rulersimanagerat ukiumi kingullermi malugilluarsimavarput. Nunarsuarmimi tamarmi aningaasarsiornikkut ajutoornerup piffissami kingullermi atuuttup inuiaqatigiisugut kalaallit aamma malunnaateqarluartumik eqqorsimavaatigut.

Kommunerput, Kommune Kujalleq eqqarsaatigalugu silarsuarmi aningaasatigut ajor-nartorsiorneq suliffissaaleqinermik annertuumik nassataqarsimavoq. Nunarsuarmi niuernerup ajornartorsiorfiunerata kingunerisaanik aalisakkat, piniakkat allat, puisit amii, avammut nioqqutigalugit inuiaqatigiit kalaallit aningaasarsiornitsigut tunngavigilluarsimasavut eqqorneqarsimapput. Tamanna tunisassiornerup annikinneru-lerneranik kinguneqarsimavoq, taamaasillunilu suliffissaaleqineq annertunerulersi-malluni. Sumiluunniit inuiaqatigiinni inuttut timikkut tarnikkullu peqqissumik inuu-niaraani ilisimavarput pisariaqartoq suliffissaqarnissaq. Suliffeqarnikkummi inuttut naleqqassuseq qulakkeerneqartarpoq. Inummi suliffeqartoq inuiaqatigiit ingerlanneqarnerannut akisussaaqataasutut, pilersueqataasutut, ineriartortitseqataasutullu misigissuseqalernermigut naleqarnerulersarpoq. Inuttut naleqqassuseq pigine-qanngipat ilisimavarput akerlianik suut ajornartorsiutit pigilersarivut. Inuttut naleqartutut misigisimajunnaarneq assigiinngitsunik nassataqartoq pigineqaler-sarpoq. Nassataalu ikioqatigiilluta qaangerniagassavut ilaatigut makku taasinnaa-vagut; ilaqtariinni pilersuinissamut periarfissaarunneq, ilaqtariit avissaartuunneri, inigisamik annasaqarneq il.il. Tamakkulu inuit ajornartorsiutiminnik qimarratiginnil-lutik aannqajaarniutinut assigisaanullu saaqqajaasarnerannik ilaatigut kinguneqar-

tarput. Taamaasilluni pisortanit pilersorneqarnissamik pisariaqartitsineq pisortanut assigiinngitsutigut aningaasartuutaasaqisoq aamma pilersarluni, ikioqatigiingikkaani paaseqatigiingikkaanilu imaaliallaannaq qaangeruminaaqisut.

Ullut taama atugaqarfiusut tamakku anigorniarlugit pisariaqarpoq qangaaniilli siu-litta piorsarsimassutsiminni ileqqorisaasa qiviarnissaat. Soorlu makku: akisussaaqa-taaneq, pisussaaffeqarneq, piumassuseqarnerlu. Akisussaaqatigiilluta, pisussaaffe-qaqatigiilluta piumassuseqarlutalu ajornartorsiutinik maannamut atugartuunngor-nerup ingerlanerani pigilersimasatsinnit aniguniartariaqarpugut, siuliani taasattut siulersuatta pisarsimanagerat malillugu.

Kommune Kujallermi ineriartoqqinnissatsinnut periarfissavut nutarterlugillu ilaar-torniartariaqarpavut. Tassani pingaarpoq ikioqatigiinneq, akisussaaqatigiinneq, piu-massuserlu atorlugit alloriaqatigiinnissarput. Periarfissat nutaat ineriartoqqinnis-satsinni pisariaqartitavut ujartugassavut ikinngitsuusut ilisimavavut. Tassanilu pingaarpoq nunatta kujataata inuussutissalerinikkut kiisalu pisuussutit uummaatsut assigiimmik atorluarlugillu tunisassiarinissaanut periarfissarsiuussinissarput. Tassa pingaarluinnarpoq naalakkersuisut , inatsisartut, Kommune Kujallermi qinikkat, kiisalu ilissi inuiaqataasut suleqatigiilluarluta paaseqatigiilluarlutalu tamatsinnut iluaqutaasussamik pineqartut pillugit periarfissarsiuusseqataanissarput.

Inuiaqatigiisugut Kalaallit immitsinnut upperaluta kaamattoqatigiilluta piumassu-seqarlutalu ingerlaqqitta. Meerartavut, inuusuttavut, periarfissarpassuaqartut periarfissaannik pitsaanerpaanik atugassaqartinniartugit. Tamakkumi oqartarnitsitut siunissaraavut periarfissarissaartariaqartut, inerilluassagunik. Eqqaamajuartigit meeqqat inuusullu nunatta pisuussutaasa annersarimmatigit, siunissamullu iluaqutissiorluni sillimmartaarnerit pingaarnersarimmatigit. Neriutugalugu piffissan-ngorpat takutitsivigissagaatigit ulluni makkunani taakkununga

iliuserisatta siu-nissamullu iluaqtissiorluta sillimmartaarsimanerput
pitsaasumik iliuseqarnerusi-masut. Qanortoq inerilluarlutik,
piumassuseqarluarluarlutik akisussaaqataallutillu inuiaqa-tigiisugut
siunissami ingerlaqqinnitsinnik tigusiilik.

Illumullumi siunissamut isumalluarnissatsinnut pissutissaqarpugut. Ulluni
makkunani ilinniartut naammassiortorput. Kommune Kujallermi
ilinniartitsisunik, ilinniarnertuunik, allaammi finansøkonomini, niuerner
ilinniagartuunik, allanillu inuiaqati-giit pisariaqartitaannik pisuunnguallappugut.

Illumullumi kalaallit sapinngeqisugut aamma ullualuit matuma siornagut
takuarput, qallunaat nunaanni erinarsorluni unammersuarnermi (All-Starsimi)
Ajugaavugut!

Minnerunngitsumillu ukiup ingerlanerani timersornikkut inuusuttatta
timersortartut kusanaqisumik timersornertik aqutigalugu nunarsuatta
sinneranut nittarsaatar-simavaatigut nunarsuatta sinneranut, nunarsuaq
tamaat, Europami kiisalu nunat issittormiut unammersuarterneranni, tamakku
tapersersortigit qujaffigalugillu.

Asasakka Kommune Kujallermi innuttaaqatikka, ullut tulluuttut atulikkavut
siulitsitut qiimalluta nuannaarluta piemassuseqarlutalu atortigit, ukiorsuup
tulluuttup ator-nissaanut nukissanik piemassusermillu pissarsiffigilluarlugit.
Ullortunersiorluarisi.

Simon Simonsen Borgmester Kommune Kujalleq